

張說

全唐文

卷二百二十六之二百二十八

竹居攷廬

散記

竹居雜錄

金唐文
卷一百一十五

欽定全唐文卷二百二十六目錄

張說 六

東山記

蒲津橋贊


皇帝馬上射贊

孔子堂杜預贊

金紫光祿大夫太常卿上柱國中山郡公崔日知

寫真圖贊

盧舍那像贊 并序



藍田法池寺二法堂贊

并序

益州太清觀精思院天尊贊

并序

獄箴

溫泉箴

贈別楊盈川炯箴

石橋銘

之并州勅造座右銘

進筆硯架銘

煖硯銘

素盤孟銘

并序

錢本草

爲男埒考語

大唐開元十三年隴右監牧頌德碑

唐陳州龍興寺碑

平偃師碑尾

貞節君碑

大周故宣威將軍楊君碑

并序

廣州都督嶺南按察五府經略使宋公遺愛碑頌

專制機密與帝親

大德開示十三平綱密旨外貽新野

高其位等語

發本單

素盤玉盤

非也

欽定全唐文卷二百二十六

張說

東山記

兵部尚書同中書門下三品修文館大學士韋公體含真
靜思協幽曠雖翊亮廊廟而緬懷林藪東山之曲有別業
焉嵐氣入野榛煙出谷石潭竹岸松齋藥畹虹泉電射雲
木虛吟恍惚疑夢閒關忘術茲所謂邱壑夔龍衣冠巢許
幸溫泉之歲也皇上聞而賞之廼命掌舍設帟金吾劃次
太官載酒奉常抱樂停輿輦於青靄佇輦綸於紫氛白神

朝於谷中千官飲乎池上緹騎環山朱旆焰野縱觀空巷
途歌傳壑是日即席拜公逍遙公名其居曰清虛原幽棲
谷景移樂極天子賦詩王后帝女宮嬪邦媛歌焉和焉以
寵德也加以中宮敦序謂我諸兄引內子於重幄見兒童
於行殿家人之禮優棠棣之詩作於是實其筐筥下以昭
忠信之獻賁其束帛上以示慈惠之恩朝野歡并君臣義
洽夫飛翠華厯茨嶺至道之主也紆紫綬期赤松素履之
輔也千載一時難乎此遇故兩曜合舍衆星聚德雅道光
華高風允塞寒谷煦景窮崖潤色猗歟盛事振古未有篆

之元石貽代厥後

蒲津橋贊

易曰利涉大川濟乎難也詩曰造舟爲梁通乎險也域中
有四瀆黃河是其長河上有三橋蒲津是其一隔秦稱塞
臨晉名關關西之要衝河東之輻湊必由是也其舊制橫
絙百丈連艦十艘辦修竿以維之繫圍木以距之亦云固
矣然每冬冰未合春洹初解流澌崢嶸塞川而下如礎如
臼如堆如阜或撻或搥或磨或切綆斷航破無歲不有雖
殘渭南之竹仆隴坻之松敗輒更之罄不供費津吏成罪

縣徒告勞以爲常矣開元十有二載

一作九年十二月

皇帝聞之

曰嘻我其慮哉乃思索其極敷祐於下通其變使人不倦
相其宜授彼有司俾鐵代竹取堅易脆圖其始而可久紓
其終而就逸受無疆惟休亦無疆惟恤於是大匠藏事百
工獻藝賦晉國之一鼓法周官之六齊飛廉煽炭祝融理
爐是煉是烹亦錯亦鍛結而爲連鎖鎔而爲伏牛偶立於
兩岸襟束於中渾鎖以持航牛以繫纜亦將厭水物奠浮
梁又疏其舟閒畫其鷁首必使奔澌不突積凌不溢新法
旣成永代作則原夫天意有四旨焉濟人仁也利物義也

順事禮也圖遠智也仁以平心義以和氣禮以成政智以節財心平則應諧百神矣氣和則感生萬物矣政成則乂文之經矣財節則豐武之德矣故天將儲其禎地將阜其用人將盈其力聖皇之道乾乾翼翼觀藝而無窮詠功而無極

皇帝馬上射贊

第一

甘泉頓射飛野雞一隻走狐二走兔十四不隔箭連中五隻

一面昭仁三驅示武走則發射伏則不取

第二

中鷹前兔

寒兔滅沒疾鷹逞巧鳴鏑洞飛失雋亡狡

第三

福陽頓同日
中狗前兔

狡兔雋犬力奔勢迫持圓駮飛捨拔先獲

第四

望賢頓停日射高飛鴈一隻走麋
二走兔三十六不隔箭連中五隻

獸殪山豪鳥落雲雋貫三疊兩血不濺刃

第五

望賢頓
中獾狐

夜鳴之鳥是謂獾狐除人之惡應箭而鋪

第六

望賢頓隔
馬射中麋

趯趯牙麋寒草同色隔馬百步一縱而側

第七

仙遊頓中麋一走狐三走兔十八不隔箭連中八隻

天子省斂薄狩岐陽躬射五十以奉蒸嘗

第八

文山頓射麋不隔箭連中二走狐一走兔二十一隻

我將獻鮮從禽於野一日百中以威天下

第九

武停頓向後射走兔其中射兔十九隻不隔箭連中十一隻走狐三走麋一

霜兔斗迴雲龍矯過天旋月滿舍矢如破

第十

飛林頓分駿射野狐中

有芄者狐起帝之右分駿遠發應踣於手

第十一

鷄子搗鴟不著飛過在後箭發應弦而落

驚鳶上飛驚隼橫撲矯箭爭中紛然旋落

第十二

一箭中兩鹿橫貫走五十餘步方倒

雙鹿並出一箭橫連上思陵寢以獻時鮮

第十三

是日還宮苑內用大箭射走鹿四十口分賜諸王郡王及從人等

帝入靈囿數百鹿射其四十頒諸羣牧

孔子堂杜預贊

猗歟杜侯發揮孔聖春秋既立王道以正列國行事君子莫之他人有心予忖度之推凡見例定罪原詞開我後學從祀先師

山慈光 金紫光祿大夫太常卿上柱國中山郡公崔日知

寫真圖贊

廓哉中山靈宇朗徹逸韻豪爽達音妙絕孝盡思成忠全
見節優游宮侶蕭條禪悅白髮傳貌青松拂雪要之歲寒
是望邦傑

盧舍那像贊

并序

詩云哀哀父母生我劬勞欲報之德昊天罔極是傷不可
止之戀而懷無所及之感其有飾聖以資親修法以展慕
豈非孝子持明之心哉武擔山靜亂寺盧舍那丈六鐵像

者沙門履徹爲先妣用無價黃金之裝也徹師俗姓劉氏
青城真人知古之弟道門釋種守律護戒了如來廣大之
心達如來加持之力見虛空界劃縵茶壇知定慧手結金
剛印過去不悟因後行而追福當來未聞指前緣而證道
覩佛相者成一切智承佛光者壞無始業張說聞其事而
懌之乃合掌西南遙禮偈曰

大雄盧舍那妙法甚深祕神變加持力普昇不動位孝乎
彼沙門愛母而錫類法財裝妙色空色不相異慧日破金
山慈光觸寶地善來金剛手一一見佛事

藍田法池寺二法堂贊

并序

法池西三歸院二法堂茲寺長老初上禪師所造也禪師俗姓彭名知至性篤孝執親之喪七日不食微言密行志道探元究易老莊太一之旨善正書擅鍾王品格其精至

點畫

一作點
畫婉秀

毫縷必見如折槁荷磨文石筋理灑颯固非

人力之所致也中朝名士山藪高尚法流開勝遠近慕焉及晚年專意於禪誦平生藝業脫若遺塵矣嘗歎曰帝王父母許我出家雨露生成恩惟一揆依如來教創是功德萬一乎獻福二宮潛祐七祖將與一切咸登道場於是三